

初唐墓誌續考六則

葉 國 良

前讀毛漢光撰唐代墓誌銘彙編附考第一至第十冊，得見拓片影本近千，以毛考不無誤漏，撰爲初唐墓誌考釋六則，刊印於唐代文化研討會論文集。^①嗣獲北京圖書館藏中國歷代石刻拓本滙編，得觀唐代石刻拓片影本數千種，因復董理初唐墓誌，取上揭二書兼治之；視野既廣，所得稍多。茲先整理六則發表，俟三餘之暇，其它將陸續撰定焉。

本篇所述，岑仲勉元和姓纂四校記或已發其緒論；顧其書刊行稍早，相關石刻有未見者，且該書體例，以石刻史料爲校勘姓纂所載世次之資，於誌主生平事蹟，未暇深考，又所論間有舛誤，亦待訂正。本篇則著重誌主生平事跡之考釋，至其先世後嗣，亦考諸史傳及相關石刻，爲之繫聯；重點與岑書不同，而能相發明，讀者分別觀之可也。

【提 要】

唐胡永暨妻張氏墓誌銘并序

（太宗貞觀二年）

誌主系出北朝外戚安定胡氏。胡氏人物甚盛，而散見史傳，因勾勒史籍及石刻資料，排比世次，以見彼此之關係；疑者闕焉。

^① 該論文集收錄中國唐代學會主辦唐代文化研討會發表論文。一九九一年七月，文史哲出版社，臺北。

隋謁者臺議郎段世弘墓記

(太宗貞觀五年)

論墓主係隋北平公段文振子，指出墓主事蹟、卒年載於資治通鑑，並製墓主所出北海期原段氏世系表。

隋銀青光祿大夫殷州刺史段師墓誌銘并序

(太宗貞觀二十年)

指出誌主係王世充黨段達子，事蹟見資治通鑑，並論河南段氏世次，以正岑仲勉、周紹良之誤。

唐右驍衛朔陂府折衝都尉段會暨妻呂氏墓誌銘并序

(高宗永徽四年)

以誌主爲凌煙閣功臣段志玄兄、穆宗相段文昌高伯祖，因以本誌所載綜合岑仲勉、方南山所考，製誌主所出淄州鄒平段氏世系表。

唐番禺府折衝都尉平棘縣開國公紇干承基墓誌銘并序

(高宗顯慶五年)

引史籍論誌主原爲太宗廢太子承乾所蓄死士，後賣主求榮，因得官爵賞賜；誌文於其事、其時故含糊其辭以諱之。

唐長城縣令輕車都尉強偉墓誌銘并序

(高宗麟德元年)

誌主多預太宗時造海船伐高麗事，因詳引資治通鑑所載與誌文相印證，並製扶風強氏世系表。

唐胡永暨妻張氏墓誌銘并序


(太宗貞觀二年)

右胡永誌，見毛漢光撰唐代墓誌銘彙編附考第一冊第十八片。永子質誌、孫儼誌、儼弟寶誌，並見上揭書第一冊第二十一片及第三十一片、第二冊第一百三十四片。永祖孫三代，姓名不載於史，而系出安定臨涇胡氏。胡氏北朝望族，世爲外戚，北魏兩后，北齊兩后，又爲帝母者一，昭儀者一，人物見於史傳者頗盛，然載其世系未甚詳明。茲取胡永等四誌，並考史傳石刻，說明其關係如下。

永誌謂：永父邕，祖亮。又云：「伯祖國珍，後魏司徒、安定公。兄長粲，隴東王。」又質誌云：「世子伯遠。」按：胡國珍者，北魏宣武帝皇后（靈太后）父，卽太上秦公也。魏書外戚傳載：國珍初無子，養兄眞子僧洗爲後，後納梁氏，生祥。兄眞長子寧，^②寧子虔，虔（字僧敬）子長粲，寧女爲孝靜帝母（清河文宣王元亶妃）。同書皇后傳謂：孝明皇后胡氏，靈太后從兄胡盛女。又北齊書外戚傳謂：胡延之子長仁，武成皇后之兄，封隴東王。同書皇后傳謂：後主皇后胡氏，隴東王長仁女。又文館詞林四五七兗州都督胡延碑銘謂延「相國文宣公之孫，中書監公之子」，延卽延之，文宣國珍諡號，中書監則祥官，是延爲珍孫祥子。元和姓纂謂延爲國珍曾孫，誤。北史胡長仁傳謂：「長仁子君璧襲爵隴東王，君璧弟

^② 魏書外戚傳云：「僧洗，……諡曰孝眞長子寧，字惠歸。襲國珍先爵，改爲臨涇伯，後進爲公。歷岐涇二州刺史。卒，諡曰孝穆。」諸本讀爲「僧洗，……諡曰孝眞。長子寧，……」以寧爲僧洗子。新校本魏書校勘記讀爲「僧洗，……諡曰孝。眞長子寧，……」以寧爲眞子、僧洗兄弟。按：魏書靈太后傳謂虔（僧敬）爲太后從子，若寧爲僧洗子，則虔爲僧洗孫，於太后爲從孫，不得爲從子；又北齊書外戚傳謂胡長仁從祖兄長粲，若寧爲僧洗子，則長粲乃長仁從子，不得爲從兄；以是知新校本所讀爲是，茲從之。

君璋及長仁弟長雍等前後七人並賜爵，合門貴盛。」又趙萬里漢魏南北朝墓誌集釋圖版四十四北魏孝明昭儀胡明相墓誌謂明相：「聖朝散騎常侍征虜將軍使持節豫州刺史誕之曾孫，散騎常侍征西將軍金光祿大夫使持節岐雍二州刺史高平侯洪之孫，散騎常侍征虜將軍都督并州諸軍事使持節并州刺史陰槃伯樂世之女，宣武皇帝崇訓皇太后（靈太后）之從姪。」據上，則國珍於胡永爲曾祖行，長粲於胡永爲從兄；誌謂爲「伯祖」、「兄」者，蓋不無誤略。北齊書不言長粲亦爲隴東王，可據誌補。又孝明胡昭儀及曾祖誕、祖洪、父樂世名字皆不見於史，據明相誌知之。茲整理史傳碑誌所見胡略以下世系表列如次：



隋謁者臺議郎段世弘墓記

(太宗貞觀五年)

右段世弘墓記，見北京圖書館藏中國歷代石刻拓本匯編第十一冊第三


十五片。記文云：「隨尚書右僕射北平襄公第七息謁者臺議郎故段世弘，粵以大唐貞觀五年歲次辛卯十月丁亥朔十四日庚子，歸葬於雍州咸陽縣渭陽鄉。」岑仲勉元和姓纂四校記云：「近歲出土有貞觀五年十月十四日隨北平襄公（段文振）第七息段世弘墓記，拓本未見。」岑氏以未見拓本，語焉未詳。茲考諸史籍，知世弘確為段文振子，隋恭帝義寧二年在東都為王世充所殺，此其歸葬之記也。

按：隋書卷六十云：「段文振，北海期原人也。祖壽，魏滄州刺史。父威，周洮、河、甘、渭四州刺史。文振……贈光祿大夫、尚書右僕射、北平侯，諡曰襄。……有子十人。長子詮，官至武牙郎將。次綸，少以俠氣聞。」文振官爵諡號與墓記所述同，是世弘為文振子之證一也。或謂：「文振北海期原人，世弘則歸葬咸陽，何也？」按：上揭滙編第九冊第一百零一片文振父段威墓誌云：「公諱威，字殺鬼，北海期原人也。……春秋六十七，以建德四年七月十七日寢疾薨於長安城之私第。」又云：開皇十五年與妻劉妙容由胤子文振等合葬「洪濱川奉賢鄉大和里」。考宋敏求長安志卷十三咸陽縣猶有奉賢鄉，而世弘墓記亦謂「歸葬於雍州咸陽縣渭陽鄉」，是段氏雖北海期原人，而至少段威以下則葬咸陽，是世弘為文振子之證二也。

又按：世弘名見於史，資治通鑑卷一百八十五載隋恭帝義寧二年四月李建成、李世民自東都引兵還，「東都號令不出四門，人無固志，朝議郎段世弘等謀應西師，會西師已還，乃遣人招李密，期以己亥夜納之。事覺，越王命王世充討誅之。」據此，世弘乃因謀反受誅，墓記不言者，或以通於李密、無功於唐歟？

又按：威誌云祖爰、考壽，文振傳云祖壽、考威、弟文操、長子詮、次子綸，此記云世弘是文振第七子，又元和姓纂謂文振：「生確、綸。確唐御史大夫，徵殿前侍御史。綸工部尚書駙馬都尉紀國公。」岑校云：

「舊紀二、武德二年，散騎常侍段確爲朱粲所殺。元龜一六四、高祖既入關，鄭令段確以縣降，拜御史大夫。」又云：「文安縣主誌則云『降姻於工部尚書駙馬都尉紀公之世子段儼』。」文振子十人，茲得其四。然則段爰以下世系可列表如次云：



隋銀青光祿大夫殷州刺史段師墓誌銘并序

(太宗貞觀二十年)

右誌見毛漢光撰唐代墓誌銘彙編附考第二册第一百一十片。首行題「隋故銀青光祿殷州刺史誌銘」，無誌主姓氏；誌文謂「君諱師，字大師，河南人也」，亦不言其姓；而「唐宋墓誌：遠東學院藏拓片圖錄」一書謂有誌蓋，篆書「段君墓誌」四字。毛撰彙編又以誌文述其先世有云：「寵義富仁，西河見軾廬之美；臨危徇命，北地盡致身之節；暨乎紀明佐漢，鬱爲宗臣；龜龍仕晉，實惟文□」，因考證曰：「西河見軾廬之美，應指段干木；北地盡致身之節，應指段會宗；紀明佐漢，紀明應指段頌之字。本拓片碑誌主應姓段無疑。」按：毛撰彙編定誌主姓段，其說是也；至論段氏先世典實，則有誤有漏。北地盡致身之節者，乃漢北地都尉段印，孝文帝十四年爲匈奴所害，故云「致身」，見漢書匈奴傳上，段氏述其先祖者，多據之，見新唐書宰相世系表。段會宗官至太守，不止都尉，且係病死烏孫，難言「致身」。至龜龍其人，指敦煌段灼，見晉書卷四十八。毛撰彙編第二册第一百六十一片隋燕王府錄事段夫人墓誌云：「或富仁寵

周考甚是。段達爲王世充黨，世充敗，達以首惡爲李世民誅於洛水上，見通鑑一百八十九，故不僅子師「解甲投戈」，卽孫璋亦遭禁錮，上揭段璋誌云：「暨夫唐日開輝，圭野賴昌明之運；鄭氛奄撤，臺宗落纓馘之緒。君已凋青紫，衿襟亦白，□恬取逸，削智乘貞。」卽謂此也。嗣後段氏數世無顯人，逮段平仲爲尙書左丞，已在元和後矣。

唐右驍衛朔陂府折衝都尉段會暨妻呂氏墓誌銘并序

（高宗永徽四年）

右誌見毛漢光唐代墓誌銘彙編附考第三冊第二三九片。附考云：「本誌墓主與二零八片同，惟本誌係與夫人合葬誌。」查二零八片係段會獨葬誌，毛考是也。獨葬誌毛書無拓片影本，誌文據羅振玉芒洛冢墓遺文轉錄。二誌毛考俱無說。


誌文云：「公諱會，字志合，淄州鄒平人也。……祖瑗，齊任郡主簿，……俄遷靜境大都督，……父師，皇朝散騎常侍、光祿大夫，贈洪州都督、八州諸軍事、益都縣開國公，諡曰信公，禮也。……哀子弘竟。」獨葬誌則云：「府君諱會，字志合，淄州鄒平人也。……祖琰，北齊平陵縣令；父偃師，皇朝散騎常侍、郢州刺史、益都縣開國公。」二誌所載微有不同：瑗，羅書作琰，疑所得拓本模糊所致；師卽偃師，稱其一名耳，其例碑誌習見。

按：段偃師名載新唐書宰相世系表，凌煙閣功臣段志玄之父、唐穆宗相段文昌之先人也。段氏見新唐書宰相世系表者，世系不無訛誤，岑仲勉元和姓纂四校記、貞石證史、④方南山段成式年譜⑤已有論證，方氏且製

④ 原載中央研究院歷史語言研究所集刊第八本第四分冊，一九三九年。後收入岑著金石論叢，一九八一年十一月，上海古籍出版社。

⑤ 文收入點校本酉陽雜俎附錄，一九八三年九月臺北源流出版社影印。

有表，茲以本誌所載綜合二氏所論列者，重製段氏一族世系表如次，或可供治唐史者參擇歟？以引用史傳暨石刻資料甚繁，茲不一一引述，讀者取二氏書尋繹可也。



唐番禺府折衝都尉平棘縣開國公紇干承基墓誌銘并序

(高宗顯慶五年)

右誌見毛漢光撰唐代墓誌銘彙編附考第四册第三百九十八片。考於誌主生平無說。

按：誌主史無專傳，姓名、事蹟見貞觀政要四、元和姓纂十一沒紇干氏條、册府元龜一五二、新舊唐書常山王承乾傳、于志寧傳及資治通鑑，而以通鑑所載為詳，茲引述之。通鑑卷一百九十六：「(貞觀十五年五月)

太子（承乾）役使司馭等，半歲不許分番，又私引突厥達歌支入宮，（太子詹事于）志寧上書切諫，太子大怒，遣刺客張思政、紇干承基殺之，二人見志寧寢處苦塊，竟不忍殺而止。」又：「（太子）陰養刺客紇干承基等及壯士百餘人，謀殺魏王泰。」又：「太子聞齊王祐反於齊州，謂紇干承基等曰：『我宮西牆，去大內正可二十步耳，與卿爲大事，豈比齊王乎！』會祐反事，連承基，承基坐繫獄，當死。」同書卷一百九十七：「（貞觀十七年）夏四月庚辰朔，承基上變，告太子謀反。敕長孫無忌、房玄齡、蕭瑀、李世勣與大理、中書、門下參鞠之，反形已具。……乙酉，詔廢太子承乾爲庶人。……以紇干承基爲祐川府折衝都尉，爵平棘縣公。」據此，紇干承基本唐太宗廢太子李承乾所蓄死士，其後賣主求榮，竟得封賞，其後上變求免死者頗借爲典據，高宗永徽三年，吳王李恪等謀反，上揭書卷一百九十九云：「（房遺愛）知之，因言與恪同謀，冀如紇干承基得免死。」卽其例也。而誌云：「君諱承基，字嗣先，鄴人也。……武德之末……飲至策勳，公居稱首。以公勤誠克著，績效可嘉。授公祐川府折衝都尉，上柱國、平棘縣開國公、食邑一千戶、賞物五千段、奴婢廿、甲第一所、上馬五十匹。聖恩重疊，榮顯相仍，于時獎擢，超冠倫伍。永徽之初，改授廣州番禺府折衝都尉，餘官封如故。」此於貞觀十七年時因上變而授官、頒爵、賜物事，故繫於「武德之末」後，含糊其發生時間及原因，蓋以人所不恥而諱之也。


又，誌云承基授「祐州府折衝都尉」，通鑑則云「祐川府折衝都尉」，「祐」、「祐」不同。考通鑑一百九十七胡注云：「唐志：岷州有祐川府。隋志：岷州臨洮縣，後周置祐川郡。唐蓋因周郡名以爲府也。」考隋書及新舊唐書地理志，胡注有據，然則誌作「祐」者，蓋筆誤也。

唐長城縣令輕車都尉強偉墓誌銘并序

(高宗麟德元年)

右誌見毛漢光撰唐代墓誌銘彙編附考第六册第五百四十八片。考於誌主家世生平無說。

按：誌主史無專傳，而誌文所述家世、事蹟與元和姓纂、資治通鑑可以互考，茲隨文解之。誌文云：「君諱偉，字玄英，扶風人也。曾祖樂，後魏岐州大中正、直閣將軍、涼州諸軍事、涼州刺史、廣興郡開國侯，贈二岐秦寧義五州諸軍事、五州刺史，改封□□縣開國公，食邑一千戶；祖晷，後魏岐州州都、車騎大將軍、儀同三司、文州諸軍事、□□刺史、襲封□□公；父寶質，皇朝始平縣令、大理司直、華州別駕、尚書□□□□□州都督府長史、尚書兵部郎中、永州諸軍事、永州刺史。……子□、^⑥援、嬰等。」按：寶質名見元和姓纂十陽強氏條，云：「唐兵部郎中強寶質。」官與誌合，又姓纂謂寶質有孫修，岑仲勉四校記謂「修」係「循」之誤，強循新舊唐書有傳。據此，則此誌可補姓纂，其世系如次：



誌文又云：「(貞觀)十八年，將作大匠閻立德江南造船，召爲判佐；二十一年，副虞部員外郎唐遜造海船一千艘；其年敕差副宋州刺史王波利更造海船事；異副兵部員外郎裴明禮運糧遼碣。」按：督造海船爲誌主一生主要事業，誌文所述俱見通鑑，通鑑卷一百九十七：「(貞觀十八年)

^⑥ 此字羅振玉松翁未焚稿釋「矯」，毛撰彙編釋「縞」，以字有壞損，模糊不清，姑闕疑。

上將征高麗，秋，七月，辛卯，敕將作大監閻立德等詣洪、饒、江三州，造船四百艘，以載軍糧」。又卷一百九十八：「（貞觀二十一年八月）戊戌，敕宋州刺史王波利等發江南十二州工人造大船數百艘，欲以征高麗。」此可與誌文參證。又通鑑卷一百九十九：「（貞觀二十二年七月）遣右領左右府長史強偉於劍南道伐木造舟艦，大者或長百尺，其廣半之。……（八月）丁丑，敕越州都督府及婺、洪等州造海船及雙舫一千一百艘。……（九月）強偉等發民造船，役及山獠，雅、邛、眉三州獠反。壬寅，遣茂州都督張士貴、右衛將軍梁建方發隴右、峽中兵二萬餘人以擊之。蜀人苦造船之役，或乞輸直雇潭州人造船，上許之。州縣督迫嚴急，民至賣田宅、鬻子女不能供，穀價踊貴，劍外騷然。上聞之，遣司農少卿長孫知人馳驛往視之。」此次誌主爲專使，與前此爲佐副者異，而誌未有明文，蓋處事未當，見責朝廷，故不願顯言之，但謂強氏「貞固足以幹事，明察足以質疑，糾繆繩愆，剛腸疾惡，事緣謗黷，爲執事所疑，改除婺州信安縣令」，考強偉原任右領左右府長史，改除婺州信安縣令者，蓋因伐木造船事受譴也。